

Aisea e i ai ai se Ekalesia a le Faaola?

1. Faitau faamatalaga nei ma vase lalo o mafuaaga e i ai ai se Ekalesia a le Faaola.



Ua toe faavaeina le Ekalesia toefuataiina a Iesu Keriso e aoao ai le atoaga o Lana mataupu faavae ma ia faatautaia ai i Lana pule o le perisitua e faatino ai sauniga e tatau ai e ulufale atu ai i le malo o le Atua. O tagata o le Ekalesia latou te lafoa'ia le auai i le Lotu ae na o le faaleagaga o le tagata lava ia e faalagolago i ai, ua latou vavaeeseina i latou lava mai nei vaega autu o le talalelei: o le mana ma faamanuiaga o le perisitua, le atoaga o le aoaoga faavae toefuataiina, ma uunaiga ma avanoa e faaoga ai lena aoaoga faavae. (Dallin H. Oaks, "O Le Manaomia o se Ekalesia," *Liahona*, Nov. 2021, 25)



Na sosoo ma le liliuese ma le malepelepe o le Ekalesia na la faatulagaina a o i ai i le lalolagi, na toefaatu ai e le Alii le Ekalesia a Iesu Keriso, e ala i le Perofeta o Iosefa Samita. O loo tumau pea le faamoemoega na i ai anamua: o lona uiga, o le talai atu o le tala fou o le talalelei a Iesu Keriso ma faatautaia ia sauniga o le faaolataga—i se isi faaupuga, ia aumaia tagata ia Keriso. Ma o lenei, e ala i tufugaaao o lenei Ekalesia toefuataiina, ua mafai nei ona maua le folafolaga o le togiola e oo lava i agaga o e ua maliliu o e sa iloa sina mea pe le iloa foi se mea e tasi e uiga i le alofa tunoa o le Faaola i o latou olaga faaletino. (D. Todd Christofferson, "E Manaomia i Se A le Ekalesia," *Liahona*, Nov. 2015, 108)

Tusi se aotelega puupuu o mea sa e aoaoina mai nei faamatalaga e uiga i le mafuaaga e i ai se Ekalesia a le Faaola i le lalolagi.

2. Ina ua faatulagaina le Ekalesia ia Aperila 1830, sa lei leva ona lolomiina le Tusi a Mamona mo le uluai taimi. I le Mataupu Faavae ma Feagaiga 20:9–36, na faamamafa mai ai e le Alii le tele o upumoni o loo aoao mai i le Tusi a Mamona.

Suesue i seti o fuaiupu nei, ma vaavaai mo upumoni taua na aoao mai e le Faaola e uiga ia te Ia lava ma Lana aoaoga faavae. Mafaufau e faaoga ia vaefaamatalaga mo nei mau e fesoasoani e iloa ai faamatalaga taua.

Mataupu Faavae ma Feagaiga 20:8–15 (O le Tusi a Mamona ma lana matafaioi i le Toefuataiga)

Mataupu Faavae ma Feagaiga 20:17–25 (O le ata o le faaolataga)

Filifili ni upumoni se lua pe sili atu na e suesueina. Tusi i lalo pe aisea e te manatu ai o le a taua mo nei upumoni ona faamamafaina a o faatuina le Ekalesia.